

Na osnovu člana 106. Zakona o visokom obrazovanju ("Službene novine Kantona Sarajevo", broj: 36/22), čl. 16. - 20. Pravila studiranja za treći ciklus studija na Univerzitetu u Sarajevu iz 2024. godine, Odluke Vijeća Fakulteta broj: 04-03-504-3/25 od 30.05.2025. godine i Odluke Senata Univerziteta u Sarajevu broj: 01-8-35/25 od 25.06.2025. godine, Univerzitet u Sarajevu - Veterinarski fakultet, objavljuje

JAVNI KONKURS
za upis studenata na TREĆI CIKLUS STUDIJA - DOKTORSKI STUDIJ
na Univerzitetu u Sarajevu - Veterinarskom fakultetu u akademskoj 2025/2026. godini

I

Javni konkurs se raspisuje za upis studenata na treći ciklus studija - doktorski studij pod nazivom „**Veterinarska medicina i javno zdravstvo**“.

Studij se organizuje u trajanju od tri studijske godine, a njegovim završetkom, nakon odbrane doktorske disertacije, stiče se akademska titula i naučno zvanje „doktor veterinarskih nauka“.

Cijena studija za jednu studijsku godinu je 7.000 KM (sedam hiljada KM).

II

Na Konkurs se pod jednakim uslovima mogu prijaviti kandidati iz Bosne i Hercegovine i inostranstva:

1. koji su završili integrirani ili drugi ciklus studija i stekli najmanje 300 ECTS studijskih bodova u područjima veterinarskih, medicinskih, biotehničkih i prirodnih nauka ili koji su završili dodiplomski studij po prethodnom sistemu studiranja u trajanju od pet godina;
2. koji su stekli titulu magistra nauka prije uvođenja bolonjskog sistema trocikličnog studiranja, pri čemu se priznaje 60 ECTS bodova, na način koji pobliže utvrđuje vijeće studija;
3. koji su stekli odgovarajuće obrazovne kvalifikacije iz stava (1) i (2) u inostranstvu, o čemu prilažu dokaz o nostrifikaciji/priznavanju iste ili potvrdu da je postupak nostrifikacije/priznavanja u toku.

III

Na raspisani javni konkurs kandidati su dužni dostaviti:

1. pisanu prijavu sa naznačenim kontakt podacima;
2. biografiju;
3. diplome o završenom prethodnom obrazovanju;
4. rješenje o nostrifikaciji/akademskom priznavanju diplome koja je stečena u inostranstvu ili diplome stečene u nekoj od država bivše Jugoslavije nakon 06. 04. 1992. godine;
5. uvjerenje o položenim ispitima iz prethodnog studija sa ocjenama iz pojedinih predmeta;

6. dokaz o poznavanju engleskog jezika na nivou koji omogućava komunikaciju govorom i pisanjem, praćenje naučne i nastavne literature, pisanje naučnih radova i upotrebu kompjuterskih programa
7. prethodna saglasnost/preporuka akademskog savjetnika – potencijalnog mentora;
8. druge relevantne dokumente/isprave (objavljeni radovi, učešće na kongresima, nagrade, sertifikati i sl.) *; Detaljnije na:
<https://vfs.unsa.ba/portal/doktorski-studij-opce-informacije/>
9. uplatnicu u iznosu od 40 KM u svrhu prijave na konkurs.

Dokumenti označeni (*) nisu obavezni i prilažu se od strane kandidata koji ih posjeduju.

Svi traženi dokumenti predaju se u originalu ili ovjerenoj fotokopiji.

Obrazac prijave na konkurs te obrazac prethodne saglasnosti/preporuke akademskog savjetnika – potencijalnog mentora, mogu se preuzeti na web stranici Fakulteta:

<https://vfs.unsa.ba/portal/doktorski-studij-opce-informacije/>

IV

Kandidati koji ispunjavaju uslove upisa bit će rangirani u prijemnom postupku u skladu sa kriterijima za odabir kandidata shodno studijskom programu III ciklusa – doktorski studij „Veterinarska medicina i javno zdravstvo“.

Kandidat stiče pravo upisa nakon potpisivanja Ugovora o međusobnim pravima i obavezama.

V

Predviđeni broj kandidata/studenata u ovom upisnom roku je 10 (deset).

Konkurs ostaje otvoren 15 dana od dana objavljivanja.

Prijave slati na adresu: Univerzitet u Sarajevu - Veterinarski fakultet, Služba za studentske poslove, Zmaja od Bosne 90, 71 000 Sarajevo, BiH, sa naznakom „Prijava za upis na treći ciklus studija – doktorski studij“ u zatvorenoj koverti.

Nepotpune i neblagovremene prijave neće se uzimati u razmatranje.